

गाया वाली बेल पधारो म्हारा सांवरा,  
आप रे आया सु गौ माता बचे ॥

अरे-द्रोपती री बैल पधारिया म्हारा सांवरा,  
भरी सभा मे चिर बढे,  
गाया वाली बेल पधारों म्हारा सांवरा,  
आप रे आया सु गौ माता बचे ॥

अरे-नरसी री बैल पधारिया म्हारा सांवरा  
छप्पन करोड़ रो मायरो भरे,  
गाया वाली बेल पधारों म्हारा सांवरा,  
आप रे आया सु गौ माता बचे ॥

अरे-अणदोजी सोनी रे बैल आप पधारिया,  
रात दिवस थोरा भजन करे,  
गाया वाली बेल पधारों म्हारा सांवरा,  
आप रे आया सु गौ माता बचे ॥

अरे-मीरा बाई री बैल पधारिया म्हारा सांवरा,  
जहर रो अमृत आप करे,  
गाया वाली बेल पधारों म्हारा सांवरा,  
आप रे आया सु गौ माता बचे ॥

अरे-माली लिखमोजी रे बैल आप पधारिया,  
खेता में पाणत आप करे,  
गाया वाली बेल पधारों म्हारा सांवरा,  
आप रे आया सु गौ माता बचे ॥

अरे-करमा बाई री बैल पधारिया म्हारा सांवरा,  
रूस रूस भोजन आप करे,  
गाया वाली बेल पधारों म्हारा सांवरा,  
आप रे आया सु गौ माता बचे ॥

अरे-कटतोड़ी गाय प्रभु आपने पुकारे,  
आप बिना कुण सहाय करे,  
गाया वाली बेल पधारों म्हारा सांवरा,  
आप रे आया सु गौ माता बचे ॥

अरे-माली रमेश प्रभु अर्ज गुजारे,  
गाया री रखवाली प्रभु आपने पुकारे,  
गाया वाली बेल पधारों म्हारा सांवरा,  
आप रे आया सु गौ माता बचे ॥

गाया वाली बेल पधारो म्हारा सांवरा,  
आप रे आया सु गौ माता बचे ॥

भजन प्रेषक कालूराम सीरवी,  
8123418305



# Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>